



ԵՍԱՅԻ ՆՉԵՑՈՒ ԹՂԹԵՐԸ

Եսայի Նչեցին (1260—1338) ԺԳ դարի վերջին քառորդի և ԺԴ դարի Ա կեսի հայ իրականության նշանավոր դեմքերից մեկն է՝ իբրև մանկավարժ, եկեղեցական գործիչ և մատենագիր:

Նրանից մեկ է հասել հարուստ մատենագրական ժառանգություն, այդ թվում՝ «Մեկնութիւն Եգեկիելի»<sup>1</sup>, «Մեկնութիւն քերականի»<sup>2</sup>, «Լուծմունք Դիոնիսիոս Արիսպագացւոյ Յաղագս երկնային քահանայապետութեանց»<sup>3</sup>, «Դաւանութիւն և խոստովանութիւն ի Սուրբ Երրորդութիւն...»<sup>4</sup>,

«Սուղ ինչ պատճառ ձեռնադրութեան քահանայի»<sup>5</sup>, «Յաղագս կարգաց եկեղեցւոյ»<sup>6</sup>, «Յաղագս եկեղեցւոյ խորհրդեան»<sup>7</sup>, քարուկներ<sup>8</sup>, թղթեր և այլն:

Մեր այս հոդվածի նպատակն է ներկայացնել Եսայի Նչեցու թղթերը:

1. Թուղթ վասն կարգաց եկեղեցւոյ և ժամուց<sup>9</sup>.

Սույն թուղթը մի արժեքավոր գրություն է Հայ Եկեղեցու ժամակարգության պատմության, ինչպես նաև եկեղեցական ջենքի (տաճարի) բաղկացուցիչ մասերի խորհրդրդապաշտության վերաբերյալ: Նչեցին այս թուղթը գրել է Սյունյաց վարդապետների և վանահայրերի խնդրանքով, որոնք ցանկացել են հստակ տեղեկություններ ստանալ Հայ Եկեղեցու ժամակարգության մասին:

<sup>1</sup> Գրել է 1303 թ. Ստեփանոս արք. Օրբելյանի խնդրանքով: Հիմնվել է Որոզինեսի, Հովհան Ոսկեբերանի, Կյուրեղ Ալեքսանդրացու, Եփրեմ Ասորու, Ստեփանոս Սյունեցու և այլ համապատասխան մեկնությունների վրա: Երկն անտիպ է: Մեկ է հասել ավելի քան 30 ձեռագրով (տես Երևանի Մեսրոպ Մաշտոցի անվան Մատենադարանի №№ 5566, 5717, 5906, 6573, 6730, 10083 և այլն): Սույն երկի մասին հանգամանորեն տես Գաբրեղիս արք. Հովսեփյան, Խաղբակեանք կամ Պողոթեանք հայոց պատմության մեջ, հտ. Բ, Երուսաղեմ, 1942, էջ 269—273:

<sup>2</sup> Տես Լ. Գ. Խաչերյան, Եսայի Նչեցի, Վերլուծություն քերականութեան, Երևան, 1966 թ.:

<sup>3</sup> Տես Մատենադարանի №№ 1919, էջ 98ա—118ա, 57, 167, Երուսաղեմի 718, էջ 261—326 և այլն:

<sup>4</sup> Տես Մատենադարանի №№ 8389, էջ 13ա—21ա, 614, 7255, 1043, 1337, 1476, 2283, 3192 և 4063:

<sup>5</sup> Տես Մատենադարանի №№ 3937, էջ 133ա—139ա, 3276, էջ 99ա (թերի), 1098, էջ 218բ—231բ և այլն:

<sup>6</sup> Տես Մատենադարանի № 3276, էջ 99ա—104բ:

<sup>7</sup> Տես Մատենադարանի № 9622, էջ 754—772, Երուսաղեմի № 69 և 1279:

<sup>8</sup> Տես Մատենադարանի № 9622, 1098, 1387 և Երուսաղեմի №№ 69, 1279 և այլն:

<sup>9</sup> Տես Մատենադարանի №№ 5154, էջ 259ա—261ա, 1326, 1327, 1548, 2608, 4135, 4137 և այլ ձեռագրերը: Սույն տեքստը որոշ տարբերություններով տպված է Խոսրով Անձևացու «Գիրք որ կոչի Մեկնութիւն Աղօթից» (Կ. Պոլիս, 1730) գրքի վերջում իբրև հովելված, էջ 422—426:



Ըստ Եսայի Նշեցու, Հայ Եկեղեցու ժամերգությունները յոթն են, մի թիվ, որ հիմնված է Դավիթ մարգարեի հետևյալ խոսքի վրա. «Եօթն անգամ յաւուր օրհնեցից պքեզ» (Սաղմ. ձԺԸ 164): Ժամերգությունների կատարման ժամերը պատահական չեն ընտրվել, այլ դրանք առնչվում են մարդկության պատմության և Փրկիչ Հիսուս Բրիստոսի հետ կապված կարևոր դեպքերի հետ: Այսպես.

**Երրորդ ժամին** տեղի ունեցավ մարդու առաջին ախտանալը՝ երբ Եվան լսեց օձի մահաբեր խրատը:

Նույն երրորդ ժամին Բրիստոս Պիղատոսից մահվան վճիռ ստացավ՝ խաչվելու: Երրորդ ժամին կատարվում է Առաջին Ողորմեան: Այս ժամերգությունը ուղղված է Ս. Հռոգան:

**Վեցերորդ ժամին** մարդը կերավ արգելված պտուղը և մերկացավ:

Բրիստոս վեցերորդ ժամին տարածեց իր ձեռքերը, խավարեցրեց արեգակն ու լուսինը և ճաշակեց լեղին:

Վեցերորդ ժամին կատարվում է Երկրորդ Ողորմեան: Այս ժամերգությունը ուղղված է Որդի Աստծուն:

**Իններորդ ժամին** նախամարդը անեծքը ստացավ և վտարվեց դրախտից:

Իններորդ ժամին Բրիստոս ավանդեց մարդկային հոգին:

Իններորդ ժամին կատարվում է Երրորդ Ողորմեան:

**Երեկոյան** սպառնաց լույսը, և խավարը ծածկեց երկիրն, ու մարդը ընկավ սատանայի լծի տակ:

Երեկոյան տեղի ունեցավ Բրիստոսի թաղումը:

Երեկոյան երբ մոտենում է գիշերը, կատարվում են գոհության և հանգստյան աղոթքները:

**Գիշերային ժամերգությունը** հիմնված է Ս. Գրական հետևյալ երեք վկայությունների վրա.

ա.— Դավիթ մարգարեի «Ի մեջ գիշերի յառնէի» (Սաղմ. ձԺԸ 62) խոսքը:

բ.— Բրիստոսի հետևյալ խոսքը, թե «Արթուն կացէք, պի ոչ գիտք, յորժամ Տէր տանն գայ, երեկոյին, եթէ ի մեջ գիշերի, թէ հաւախաւսին» (հմմտ. Մատթ. ԻԴ 42, ԻԵ 13):

գ.— Բանտում կեսգիշերին Պողոս առաքյալի և Շիղայի աղոթելու փաստի վրա (Գործք ԺԶ 25):

Առավոտյան ժամերգությունը նույնպես հիմնված է Տիրոջ խոսքի վրա. «...և ի հաւախաւսին, զոր Տէր իւր գալուստն ասաց»: Իսկ Արևագալի ժամերգությունը հիմնված է Դավիթ մարգարեի «Ընդ առաւօտս կան-

խելի խոստովան լինել» (հմմտ. Սաղմ. ԿԲ 7) խոսքի վրա:

Ինչպես նկատեցինք արդեն, սույն թղթում Հայ Եկեղեցու ժամերգությունները յոթն են. Երրորդ ժամի, Վեցերորդ ժամի, Իններորդ ժամի, Երեկոյան, Գիշերային, «Ի հաւախաւսին» և Արևագալի:

Այսօր, վերոհիշյալ ժամերգություններից բացի, Հայ Եկեղեցին ունի նաև Խաղաղական և Հանգստյան ժամերգությունները, որոնք իբրև առանձին ժամերգություններ չեն հիշվում Նշեցու թղթում: Սակայն կա մի ակնարկություն. Երեկոյան ժամերգության մասին Նշեցին ասում է. «Բնկ երեկոյին ի մօտ ել գիշերին պոհութեան և պհանգստեան պաղօթսն»<sup>10</sup>: Արդյոք չի՞ կարելի երակացնել՝ ա. Նշեցու ժամանակ Արևելյան Հայաստանում դեռ վերջնականապես չէին տարածվել Ն. Շնորհալու և Ն. Լամբրոնացու կողմից կատարված հավելումները Խաղաղական և Հանգստյան ժամերգությունների վրա. բ. Այդ ժամերգությունները դեռ չէին առանձնացել, և գ. Դրանց նախնական հիմքը կապվում էր երեկոյան ժամերգության բաղկացուցիչ մասը:

Հայ Եկեղեցու ծեսի պատմության հարցերից մեկն այն է, թե եղե՞լ է ժամանակ, երբ բոլոր ժամերգությունները կատարվել են անխափան, ամեն օր: Նշեցու այս թույլը տալիս է այդ հարցի պատասխանը՝ այո, միշտ, երբ մեր երկիրը խաղաղ ապրելու հնարավորություն է ունեցել: Սակայն երբ ճնշել են հալածիչները, և մեր ազգը ընկել է ծանր դրության մեջ, խափանվել է կարգ ու կանոնը: Նշեցին գրում է. «Սաստիկ նեղութիւն ոչ տայր թոյլ ըստ կարգի և ժամու աղօթել, այլ շփոթեալ և խառնեալ ամենայն կարգ և սահմանք, այլ փակեալ դրամբք և արտաքոյ ժամին պոհակելի սուրբ պատարագն մատուցանէին առանց պքեստի և առանց արարողութեան: Չի վասն ծանր աղքատութեան վարմանական պէտսն հայթելով լնուն, և պերկու և պերեք ժամու աղօթսն ի միասին կատարէին, պի փութով ի մարմնական պէտսն դառնային»<sup>11</sup>:

Սույն թղթում Նշեցին խոսում է նաև Եկեղեցու և նրա բաղկացուցիչ մասերի (խոսքը քարեղեն տաճարի մասին է) խորհրդանշական իմաստի մասին:

Եկեղեցին Վերին Սիոնի դուստրն է և Անմահ Արքայի քաղաքը:

**Եկեղեցու կառույցը** խորհրդանշում է տիեզերքը.

**Խորանը**, «ուր սեղանն է, որ է պատկերն Յիսուսի, և մարմինն նորին բաշխի»,

<sup>10</sup> Մատ. № 5154, էջ 260բ:

<sup>11</sup> Անդ. էջ 260բ—261ա:



խորհրդանշում է երկինքների երկինքը, ուր «հանգուցեալ է» Աստվածությունը<sup>12</sup>:

Տաճարը, որ նախատեսված է մաքրակենցաղ և սրբակրոն անձանց համար, խորհրդանշում է հրեշտակների կայանը:

Իսկ գավիթը խորհրդանշում է երկիրը, որպեսզի երկնքից ընկած սատանան և դժբախտից տարագրված մարդը այստեղ տեղափոխվեն՝ լի հոգեկան և մարմնական ցավերով և հիվանդություններով:

Նչեցին կարևոր տեղեկություն է տալիս տաճարի և գավթի գործածության մասին. «Ի ժամանակս յիշխանութեան մերոյ և խաղաղութեան վեօթ ժամն եկեղեցին կատարեին, բայց արժանաւորքն միայն մտանէին, և գաւիթն կայր ի սկզբանէ յառաքելոցն որ ապաշխարողաց տեղի, զի վախտացեալսն ոչ ընդունի եկեղեցի, այլ ի ժամ ահաւոր խորհրդոյն՝ արտաքս հանէին ընդ ունկընդիսն և սարկաւազն դռնապան կայր կարգած և կամ բնաւ ոչ տային թոյլ մտանել...»<sup>13</sup>:

Այնուհետև Նչեցին նշում է, որ այս սովորությունը այլևս հնարավոր չէ պահել «վասն աղքատութեան և խստասիրտ տերանց մերոց, մանաւանդ վասն ծոյլ և հեղգացելոց անձանց և երկարել աղօթից...»:

2. Թուղթ Եսայեայ վարդապետին պատասխանի ընդդէմ պարոն Հեթումյ.

Սույն գրությունը մեզ է հասել միայն երկու՝ Մատենադարանի № 9622 և 573 ձեռագրերով: Սրանցից չափազանց ընտիր օրինակ է № 573 ձեռագրիկը (ԺԵ դ.): Սակայն № 9622-ը, գրված 1858 թ., ներկայացնում է ավելի ընդարձակ տարբերակ: Ըստ Գարեգին կաթողիկոս Հովսեփյանի թուղթը գրված պետք է լինի հավանորեն 1321 թ.<sup>14</sup>:

Նչեցու սույն թուղթը մի նմուշ է մեզ հասած այն թղթակցություններից, որոնք տեղի էին ունենում ԺԳ դարի վերջերին և ԺԴ դարի սկզբին արևելյան վարդապետների և Կիլիկիայի կաթողիկոս Գրիգոր Անավարպեցու և իր լատինասեր քաղաքականությանը հարող իշխանությունների միջև: Սույն թղթով Նչեցին պատասխանում է Օշին Պայլի և նրա որդի Հեթումի նամակին: Թղթում խոսվում է երեք կարևոր հարցերի՝ ա. Քրիստոսի աստվածային և մարդկային բնության, բ. Հաղորդության բաժակի մեջ ջուր խառնելու սովորության և գ. Ծննդյան ու Մկրտության տոների կատարման օրվա մասին:

ա.— Քրիստոսի աստվածային և մարդկա-

<sup>12</sup> Անդ, էջ 259բ:

<sup>13</sup> Անդ, էջ 261ա:

<sup>14</sup> Գարեգին արք. Հովսեփյան, անդ, էջ 256:

յին բնությունների միության հարցը պատկերում է հետևյալ կերպ. «...ձգեալ յինքն յարենէ ամենամաքուր կուսին, միացոյց ընդ աստուածութիւն իւրում անքնին և անձառ խառնամբ»<sup>15</sup>: Այդ բնությունները անձառելի և հրաշափառ գերապանցյալ միությամբ առաջ բերեցին «մի Անձ, մի Որդի և մի Տէր»: Անձառ միավորությունից հետո չենք կարող ասել՝ Աստված, և հասկանալ Բեթղեհեմում ծնվածին, ոչ էլ կարող ենք «Որդի մարդոյ» ասել և հասկանալ երկնքից իջած Աստվածային Լոզոսին: Որովհետև ոչ լոկ մարդ էր և ոչ լոկ Աստված, այլ Աստված մարմնացած և մարդացած:

Այնուհետև Նչեցին խոսում է Արիոսի և Նեստորի հերետիկոսությունների մասին, ներկայացնում դրանց երևան գալու պայմանները և ապա տալիս եկեղեցու ուղղափառ վարդապետությունը այդ հարցում:

բ.— Եսայի Նչեցին Հաղորդության Ս. բաժակի մեջ անապական ջուր խառնելու հարցը կապում է Քրիստոսի մարմնի անապականության հետ: Նա նախ հիշում է, որ բաժակի մեջ ջուր չխառնելու սովորությունը Հայ եկեղեցին ստացել է Ս. Գրիգոր Լուսավորչից, այնուհետև մի շարք մեկնաբանություններով ապացուցում է բաժակի անապականության պարտադիր լինելը: Քրիստոսի մարմինը և արյունը անապական են: Եվ գինին խորհրդանշելով Քրիստոսի արյունը պետք է որ լինի անապակ, ինչպես և Քրիստոսի արյունը և մարմինն էր անապական: Ի հաստատումն առանց ջրի պատարագելու՝ Հայ եկեղեցու սովորության, Նչեցին ասում է. «...որ Քրիստոս վայս խորհուրդ աւանդեաց եկեղեցւոյ իւրոյ ընդ չորեքեսին աւետարանչացն վկայութեամբ, գինի էառ ի ձեռս և ասաց՝ Այս է իմ արիւն, և ջուր բնաւ ոչ յիջեաց»<sup>16</sup>:

Այն եկեղեցիները, որոնք Հաղորդության Ս. բաժակի մեջ օգտագործում են գինի և ջուր, իբրև ապացույց են բերում այն դեպքը, երբ Քրիստոս խաչի վրա մահացած, պինվորը գեղարդով հարվածում է Փրկչի կողին և արյուն ու ջուր է հոսում:

Նչեցին, արտահայտելով Հայ եկեղեցու տեսակետը, նշում է, որ այստեղ ջուրը Մկրտության խորհուրդն է նշանակում, իսկ արյունը՝ Հաղորդության: Այնուհետև Նչեցին ավելացնում է, որ այսպիսի մեկնություն է տալիս նաև Ս. Հովհան Ոսկեբերանը Հովհաննու Ավետարանի մեկնության մեջ. «Երկուց աղբերացն, որ ելին ի կողիցն Տեառն, շինեցաւ եկեղեցի, քանզի ջրովն

<sup>15</sup> Անդ, էջ 320ա:

<sup>16</sup> Անդ, էջ 317բ:



ծնանիմք վերստին աւազանան, և արեամբ սնանիմք ճաշակել կնա»<sup>17</sup>:

գ.— Խոսելով Քրիստոսի Ս. Ծննդյան և Մկրտության տոների մեկ օրում կատարելու Հայ Եկեղեցու սովորության մասին, Նչեցին շեշտում է, որ այդ ավանդական սովորությունն է և մինչև Նիկիայի Ա Տիեզերական ժողովը այդպես է եղել ամենուր: Սակայն Երուսաղեմում քանի որ հնարավոր չէր մեկ օրում Ս. Ծնունդը տոնել Բեթղեհեմում և ապա գալ Հորդանան գետը՝ Մկրտության տոնակատարությունը կատարելու, բաժանվեցին այդ տոները միմյանցից և Ս. Ծնունդը սկսեցին տոնել դեկտեմբերի 25-ին, իսկ Մկրտության տոնը մնաց հունվարի 6-ին: Այս պատճառով էլ Ավետյաց տոնը ապրիլի 7-ից տեղափոխվեց մարտի 25-ը: Այս սովորությունը աստիճանաբար ընդլայնվեց և ընդունվեց մյուս տեղական եկեղեցիների կողմից:

Այնուհետև Նչեցին մեջ է բերում մի քանի ապացույցներ, որ հաստատում են Հայ Եկեղեցու ավանդության վավերականությունը:

**3.— Թուղթ Եսայայի ի Տեր Մաթթեոս.**

Նչեցին այս թուղթը գրել է Թավրիսի անաջնորդ Տեր Մաթթեոսին և Ատրպատականի ողջ հայությանը, նրանց ունիթոռական վտանգից պաշտպանելու համար:

Թուղթը մեզ է հասել երկու տարբերակով՝ ամբողջական<sup>18</sup> և թերի<sup>19</sup>: Վերջինս առաջացել է ընդարձակի ձեռագրից մեկ կամ երկու թերթ ընկած լինելու պատճառով:

Նչեցու այս թղթի նպատակն է պուշացնել հայ հավատացյալներին կաթողիկ թարգմանիչներից՝ պատվիրելով նրանց «մի ամենայն հոգույ հաւատայք, որք ջանան թիրել զճմարտութիւն, զոր ի սուրբ Լուսաւորչէն մեր ընկալայք և ունիմք, և նա ի սուրբ հարցն գումարութենէ, որ ի Նիկիայ, առեալ մեկ աւանդեաց հաւատք Կաթողիկէ եկեղեցոյ և դաւանութիւն ուղղափառ քրիստոնէից, զոր ասացեալ է Սրբոյն Աթանասի Աղեքսանդրոս հայրապետին»<sup>20</sup>:

Նչեցին նախ շարադրում է Հայ Եկեղեցու ուղղափառ դավանությունը: Այնուհետև հարց է տալիս՝ բավական է արդյոք միայն ճշմարիտ հավատքը մարդու փրկության համար: Նչեցին պատասխանում է՝ ոչ. «Ինչպես մեռեալ անդամ չէ ինչ պիտանացու ի գործ մարմնոյն, նոյնպէս և մեռեալ

հաւատ, որ է առանց գործոց, ոչ տայ զօրութիւն հոգւոյն»<sup>21</sup>: Այտեղ Նչեցին հետևում է Հակոբոս Առաքյալի հետևյալ մտքին. «Հաւատք եթէ գործս ոչ ունին, մեռեալ են առանձինն (Հակ. Բ 17):

Կենդանի հավատքը բաղկացած է երկու մասից. ա. Ուղղափառ դավանության խոստովանություն և բ. Քրիստոսավայել կյանքով ապրելու կամք և սեր դեպի բարի գործերը:

Նչեցին այնուհետև խոսում է քրիստոնյայի վարք ու բարքին վերաբերվող մի քանի օրենքների և առաքինությունների մասին: Հակակախոնական է համարում պահքի ժամանակ ձուկ և գինի օգտագործելը, չորեքշաբթի օրը պահքը լուծելը:

Հետաքրքրական է Նչեցու վերաբերմունքը Կաթողիկ Եկեղեցու հոգևորականների նկատմամբ: Նա իր գործը գրելով ունիթոռների վտանգից իր հոտը պերծ պահելու համար, թվում է, թե ատելությամբ պիտի լցվեր դեպի Կաթողիկ Եկեղեցու մարդոտական քաղաքականությունը: Իր արտահայտությունների մեջ, սակայն, Նչեցին շատ հարգալից է: Քրիստոնյաների նկատմամբ սիրո մի վառ օրինակ է Նչեցու հետևյալ արտահայտությունը. «Իսկ ֆռանկաց, ի հոռոմոց կամ յասորոց ապգէն վարդապետ կամ քահանայ և աշխարհական գան առ ձեզ, ամենայն պատուով ընկալչիք իբրև պեղբայրս և ծառայակիցս ի Քրիստոս և ուրախասցիք ընդ միմեանս, յողագս միաբանութեան հաւատոյ և յուսոյն առ Քրիստոս»<sup>22</sup>: Սակայն Նչեցին պահանջում է նաև փոխադարձ սեր և հարգանք. «Ապա թէ հակառակութեամբ գնան ընդ ձեզ և կամին շրջել ի յաւանդութենէ սուրբ հարցն և յառաջին վարդապետացն, մի ընդունիք զնոսայ իբրև զաշակերտ Քրիստոսի, այլ հակառակորդ ճշմարտութեան և զայս ծածկեալ ստեղծ գառնեայ», որովհետև «Հայաստանեայցս կրօնք և աւանդութիւն ոչ խորթ է և կամ եկամուտ ոք յաննշանից բերեալ, այլ յառաքելոցն և ի հարցն սրբոց»<sup>23</sup>:

Այնուհետև խոսում է մի շարք առաքելական ավանդությունների մասին, ինչպես օրինակ Ս. Ծննդյան տոնը հունվարի 6-ին կատարելու, անապակ բաժակով Ս. Պատարագ մատուցելու, և այլն, որոնք անխախտ պահպանվել են Հայ Եկեղեցում և ընդհակառակն փոփոխման ենթարկվել մյուս եկեղեցիներում: Այնուամենայնիվ Նչ-

<sup>17</sup> Անդ, էջ 317ա:  
<sup>18</sup> Մատենադարանի ձեռագրեր №№ 2776, 8245, 10008: Հր. Մ. Մարյան, «Ճոռաբար», Մոսկվա, 1860, էջ 157—164, 205—211:  
<sup>19</sup> Մատենադարանի ձեռագրեր №№ 573, 485:  
<sup>20</sup> Մատենադարանի ձեռագիր №№ 2776, էջ 235բ:

<sup>21</sup> Անդ, էջ 237բ—238ա:  
<sup>22</sup> Մատենադարանի ձեռագիր № 2776, էջ 240բ—241ա:  
<sup>23</sup> Անդ, էջ 241ա:



չեցին քրիստոնեարար պատվիրում է. «Ի վերայ այս ամենայնի գլխաւորելով պրան աղաչեմ պամենեսին զձեզ դժուարաշարժ լինել ի վիճաբանութիւնս և ի կօխս և դիւրաշարժ ի հաշտութիւն և ի խաղաղութիւն»:

Այնուհետև Նչեցին խորհուրդներ է տալիս Ս. Մկրտոնության, Պսակի և Ս. Հաղորդության մասին: Այս հատվածը կարևոր տեղեկություններ է տալիս ծեսի պատմության համար. օրինակ Նչեցին պատվիրում է նախ մկրտություն անել, որից հետո անպայման Ս. Պատարագ մատուցել՝ մկրտվածին հաղորդելու համար, կամ կնքահայրը կարող է լինել ինչպես այր, այնպես էլ կին, միակ պայմանը քրիստոնյա լինելն է: Այնուհետև խոսվում է կնքահոր պարտականությունների մասին իբրև հոգևոր դաստիարակի:

Պսակը կարևոր հանգրվան է մարդու կյանքում և այն պիտի լինի հասարակության «տեսությանը» և ոչ գաղտնի: Տղան պետք է նվազագույնը 15 տարեկան լինի, աղջիկը՝ 12: Այրը ավելի տարիքոտ պիտի լինի: Այնուհետև Նչեցին նշում է արենակցական աստիճանի մասին և թուլյատրելի համարում չորրորդ աստիճանի ազգակցական ամուսնությունը միայն:

Պսակի արարողությունը կարող է կատարվել առավոտից մինչև կեսօր ժամանակահատվածում: Պսակադրությունը արգելվում է «ի բուն բարեկենդանի օրէ սկսեալ մինչև ցկատարունն պահոց շաբաթուն Պենտեկոստեին, ...յամենայն կիրակիս տարոյն և յուրօրէք խաչին և Ծննդեանս»<sup>24</sup>:

Ամեն մի քրիստոնյա պարտավոր է ամեն կիրակի խոստովանել և քառասուն օրը մեկ հաղորդվել: Նչեցին կտրականապես մերժում է խոստովանադրամ առնելը. «Քահանայ որ խոստովանադրամ առնու յԱստուծոյ դատի»<sup>25</sup>:

Ընդհանրապես Նչեցին դեմ է Ս. Խորհուրդները դրամով կատարելուն, որովհետև Ս. Խորհուրդների միջոցով քահանան Ս. Հոգու շնորհներն է բաշխում հաւատացյալներին: Այսպես Նչեցին պատվիրում է. «Մի ոք ըստ հարկի պահանջեսցէ գին արծաթոյ անգին շնորհն վասն մկրտութեան կամ մահու հաղորդելոյ, այլ որ ունին և տան, սիրով առէք որպէս վնուէր եկեղեցւոյ և աղքատացն օգնէք»<sup>26</sup>:

**4.— Թուղք շրջաբերական յաղագս ողորմութիւն տալոյ ի նպաստ Ս. Կարապետին Տարօնոյ.**

Սույն գրությունը մեզ է հասել միայն

մեկ՝ Մաշտոցի անվան Մատենադարանի № 848 ձեռագրով (էջ 100ա—106բ), ընդօրինակված 14-րդ դարում:

Շրջաբերականի առաջին մասում ողջուկի խոսքերից հետո Եսայի Նչեցին նախ գովքն է հյուսում Հովհաննես Մկրտչի, ապա հիշատակում, որ Հովհաննես Մկրտչի նշխարները «իբրև զգանձս երկնային և պարգևս անմահութեան»<sup>27</sup> Հայաստան է բերել Ս. Գրիգոր Լուսավորիչը և ամփոփել Տարնում՝ «ի սիրտ Հայաստան աշխարհիս»<sup>28</sup>, որոնց պահպանության համար էլ կառուցել է գեղեցիկ շինություններ և հիմնել վանք<sup>29</sup>: Եսայի Նչեցին ասում է, որ Ս. Հովհաննես Մկրտչի նշխարները և նրանց վրա հիմնված սուրբ ուխտը հանդիսանում են Հայաստան աշխարհի բոլոր բարիքների պատճառը: Այս նույն մտայնությամբ է Նչեցին բացատրում նաև այն, որ հայազգի վավակների բազում մեղքերի պատճառով այժմ ս. ուխտը «բազում նեղութիւնս կրէ և տոյժս ի ձեռաց այլազգեաց»<sup>30</sup>: Այնուհետև հեղինակը դիմում է ժողովրդին նյութական նվերներով օգնելու և կորավիզ կանգնելու Ս. Հովհաննու Կարապետի վանքին:

Նամակի երկրորդ մասում Նչեցին ուսուցողական նպատակով խոսում է ուղիղ ձանապարհով ապրելու մասին և հատկապես կենտրոնանում հարբեցողության վնասների վրա: Նչեցին հարբեցողությունը նույնպիսի մեղք է համարում, ինչպիսին պոռնկությունն ու գողությունը:

Նչեցու ժամանակ շատերը արդարացելու համար իրենց խմելու մոլուցքը, պատճառաբանում էին, թե մեկը խմելով չի գողանում կամ շնանում կամ սպանում: Սակայն Նչեցին գտնում է, որ եթե մեկը խմի և սպանի, ոչ թե մի մեղք գործած կլինի, այլ երկու՝ հարբեցողություն և սպանություն: Այսպիսով հարբեցողությունը, որ ինքնին կարող է ոմանց կողմից մեղք չըդիտվել, սակայն բազմաթիվ մեղքերի պատճառ կարող է դառնալ: Նչեցին խոսում է նաև այն վնասների մասին, որ հասցնում է խմիչքը մարդկային մարմնին. «ոչ միայն զոգիս ապականեն արբեցողացն զեղխութիւնք, այլև զմարմինն փտեն և ապականեն գինոյն նեխութիւնքն, և ազգի ազգի ցաւս ի մարմին արկանեն՝ զսիրտն մեղկէ, ըզմարմինն թուլացուցանէ, զստամոքսն խանգարէ, զուղեղն ապականէ, զտեսանելիսն

<sup>27</sup> Անդ, էջ 100բ:  
<sup>28</sup> Անդ, էջ 101ա:  
<sup>29</sup> Ազգաբանգեղոս, Պատմություն հայոց, 810, աշխ. թարգմ. Արամ Տեր-Ղևտոյանի, Երևան, 1977, էջ 130:  
<sup>30</sup> Մատենադարանի ձեռագիր հմր. 848, էջ 101բ:

<sup>24</sup> Անդ, էջ 246բ—246գ:  
<sup>25</sup> Անդ, էջ 246գ:  
<sup>26</sup> Անդ, էջ 244ա—244բ:



զիճացուցանե, որոց բազում անգամ ըզսիրտն նեղեն և չարամահ սպանեն»<sup>31</sup>: Այս վնասներից շատ ավելի ծանր են, սակայն, հոգեկան վնասները. «Իսկ կոզոցն ցաւուց զի՛նչ ասացուք, կամ ո՞ր բերան բաւական է պատմել վանհնարին աղետոսն, որ ի դատաստանի մեծի ահեղ աւուրն յայտնելոց է. անողորմ տանջանք և աններելի պապակումն...»<sup>32</sup>: Ըստ Եսայի Նչեցու Աստված մարդուն ստեղծել է բանավոր և իմաստուն, սակայն մարդը արբեցությամբ հիմարանում է, դադարում մարդ համարվելուց և անասունների կարգը դասվում. «Ձի թէպէտ և մարմին է արբեցողացն, ձեռքն ի գործոց դադարեն, ոտքն ի գնացից, լեզուն ի խօսից է համրացեալ, լսելիքն ի լսելոց են

լսացեալ, աչքն ի տեսանելոց են կուրացեալ, սիրտքն լիմաստութենէ լիմարեալ...»<sup>33</sup>: Անշուշտ Նչեցին քաջ գիտակցում է, որ գինին ճաշակելը ինքնին մեղք չէ, այլ այն չափից ավելի օգտագործելը: Գինին տրվել է մարդկանց «ի պէտս հիւանդաց և սգաւորաց և յուրախութիւն այնոցիկ, որ ի տրտմութեան իցեն»<sup>34</sup>: Սակայն այն չարաշահելն արդեն մեղք է: Երակացնելով, Նչեցին շեշտում է, որ արբեցողությամբ ըզբաղվողները անկասկած պիտի ենթարկվեն դժոխքի տանջանքներին: «Ետևաբար Նչեցին հորդոր է կարդում ժողովրդին ապրելու կյանքի ուղիղ ճանապարհով, այն ճանապարհով, որ թելադրում է Ս. Օրենքը:

<sup>31</sup> Անդ, էջ 103բ: Հմտ. Մանդակունու ճառը:

<sup>32</sup> Անդ, էջ 104բ:

<sup>33</sup> Անդ, էջ 105ա:

<sup>34</sup> Անդ:

